

台
州
札
記

台州札記卷三

臨海洪頤煊

唐職官闕名

舊唐書吳兢傳累遷台州刺史韋倫傳代宗時歷台州刺史新唐書宋璟傳子尚天寶中貶臨海長史宰相世系表楊元禧台州刺史韋方憲台州刺史韋元錫台州刺史陸盛黃巖令李紀臨海尉鄭羨門臨海尉宗室世系表黃巖令李爽台州押衙李少教元和姓纂韋宥台州刺史郭襲慶台州刺史

唐興令

新唐書宰相世系表李璣唐興令韓州來唐興令宗

室世系表唐興令李蜀唐興主簿李少康地理志遂
州蓬溪縣本唐興永淳元年置天寶元年更唐興曰
蓬溪杜甫有逢唐興劉主簿弟詩注唐興屬遂州此
唐興令不知所屬

台州碑目

寶刻叢編唐普濟寺碑

唐許敬宗撰訪碑錄

唐台州司馬韓光乘真贊

天台峰白雲撰并書先

天元年刻諸道石刻錄

赤城志通判題名先天年

與地碑目亦作韓光乘

大夫至見司馬承禎真贊

唐元宗真容應見制

開元二十九年六月一日下

臨海太守賈長源刻輔崇儀八分

復齊碑錄興地碑目赤城志俱作

老子真容應見碑在天慶觀

唐祠柏觀碑

唐祠部郎中崔尚撰翰林院學士虔

王府屬韓擇木八分書天台山有廢道宮相傳以為

晉葛元所居唐景雲初詔建為栢柏宮道士司馬子

微營而成之碑以天寶元年三月立集古錄目作栢與

頌唐文粹有此碑文亦作栢柏觀頌

唐宋德遇墓誌唐金際時撰正書無名元和三年

諸道石刻錄

唐佛隴龕禪林寺碑唐陳諫撰徐放書元和六年

五月立在天台復齋碑錄慈興地

唐智者大師修禪道場碑唐梁肅撰徐放書陳修

古篆額元和六年立在天台

復齋碑錄家藏有損本

碑尚存六年

字與地在碑日作元和二年在太慈寺

唐柳泌玉清行

隱居台州刺史柳泌述并書元和十四年歲在己亥九月十五日建在天台

復齋碑錄詩見天

集

唐柳泌題瓊臺詩

總仙刺史柳泌無年月正書摩

崖天台

復齋碑錄詩見天台集

唐白郎巖記

唐王展撰何歸儒分書篆額寶歷元

年閏七月八日建

復齋碑錄

唐修桐柏宮碑

唐浙東團練觀察使越州刺史元

稹撰并書台州刺史顏頤篆額桐柏宮以景雲中建

道士徐靈府等重葺碑以大和四年四月立集古錄

古錄跋云右唐元稹撰并書其題曰修祠柏宮碑其集

文以四言為韻語既牽聲韻有述事不能詳者則自

為注以解之為文自注非作者之法赤城志載此碑

無注以文碑首云歲大和乙酉修祠柏觀記事道士徐

靈府以其狀乞文記事在大和三年立是傳寫之為

甚明與地碑目乞碑以元和四年立是傳寫之為

唐天台禪林寺智者大師畫像贊唐顏真卿撰姪

顏顥正書男汝玉篆額大和四年冬十月建錄復齋碑

地碑目唐大曆

中顏真卿文

唐智者大師畫像贊唐顏真卿撰沙門行昉八分

書刻諸道石

唐佛窟大師碑唐韓撰張抱元正書大和元年

碑諸道石刻錄與地

碑目道作大和六年

唐長生田記 唐顏顥撰何歸儒書并篆額刻諸道石

唐赤城山中巖寺碑 沙門神邕撰牛僧孺書開成

元年復齊碑

唐蒼山廟碑記 唐宋誠撰分書無姓名會昌六年

十月記復齊碑錄見赤城集 文

唐國清寺額 唐柳公權書大中七年八月八日僧

澄觀乞額狀及柳公權批答諸道石刻錄與地碑目清寺記柳公權

書額

唐天台道元院記 唐張仁顥撰道士葉瓊秀書道

士葉孤雲分書額文德元年十一月立復齊碑錄與地碑目作

乾符二年

漢重修法空大師塔亭碑
臣彙征奉制撰臣程延

翰奉制書乾祐三年九月六日庚午建復齋錄

輿地碑目天台觀葛僊翁篆
晏公類要云吳赤烏元年為葛仙翁所建其額

即仙翁親篆

齊桐柏山金庭館記
集古錄南齊沈約造兒珪之書永泰中因地名建館曰金庭宮

置道士十人蓋道士白叙之書非約所撰其謂之造者疑如土碑之類爾碑以永元二年立

桐柏觀敕
唐景雲二年

隋陳司徒廟碑
唐乾符二年在靖越門內祀隋司徒陳果仁唐志

乾符二年守封彥卿建

台州刺史杜雄墓
碑唐大德元年碑陰有蔡大王廟記今在臨海蔡王廟中碑尚

在義城鄉墓王廟大見兩

浙金石志當作乾寧四年在臨海縣張祿撰

杜夫人墓銘唐光化三年在臨海縣張祿撰

金像寺石幢在仙居縣西三十五

赤城志大固山一名龍顧山道士賈德泓斷地得晉

永和九年斷碑有龍顧山字

惠日院有大塔幢鐫唐大中十一年州

法安院有古經幢二臨海

括蒼山石壁上有科斗字高不可辨臨海

下洋在縣東南五里宣和間居人有獲環碑者曰龍

紀元年處士李畧葬於鱗洋之濱臨海

李公亮墓誌顏師本撰以開成三年季冬六日旅窆

于台州黃巖縣南黃山西南之原

桐柏宮伯夷叔齊二石像題天台尚存 今

豐尚書墓誌云尚書五子最幼者干為僧即豐干也

天台

淨明院本名高明有石經幢刻云天福二年兩浙金石志右

陀羅尼經幢在天台縣高明寺石高九寸八分西周廣

一尺三寸每面正書四行字徑四分末云天福二年

歲次丁酉七月辛亥

丙午十五日乙丑記

蓋蒼山有巖刻真逸二字真逸乃陶洪景道號海寧

台州鐘款

赤城志天慶觀銅鐘開元十二年鑄

光孝寺銅鐘一唐乾元癸亥鑄

寧國院銅鐘一梁乾化中鑄

妙勝院鐘顯德二年錢王女鑄俱州城

洞天宮大鐘漢乾祐三年鑄

妙樂院銅鐘一唐景龍二年鑄俱天台

表甫之亂

資治通鑑大中十三年十二月浙東賊即表甫攻陷

象山官軍屢敗明州城門盡閉迨剡縣有衆百人

浙東騷動觀察使鄭祗德遣討擊副使劉勅副將范

居植將兵三百合台州軍討之咸通元年正月乙

卯浙東軍與表甫戰於桐柏觀前唐桐柏觀在台州范

居植死劉勅僅以身免乙丑甫帥其徒千餘人陷剡

縣越州大恐鄭祗德將新卒五百擊表甫二月辛卯

與甫戰於剡西官軍大敗於是山海諸盜及他道無
賴之徒四面雲集眾至三萬分為三十二隊甫自稱
天下都知兵馬使改元曰羅平鑄錢天平聲震中原
朝廷知祇德懦怯以前安南都護王式為觀察使詔
發忠武義成淮南等諸道兵授之裘甫分兵掠衢婺
州不得入又掠明州明州之民相與固守賊又遣兵
掠台州破唐興己巳甫自將萬餘人掠上虞焚之癸
酉入餘姚殺丞尉東破慈溪入奉化抵寧海教其令
而據之分兵圍象山 四月式至西陵裘甫遣使請
降己未式入越州於是閱諸營見卒及土團子弟得
四千人使導軍分路討賊命宣歙將白琮浙西將凌

茂貞帥本軍北來將韓宗政等帥王園合千人石宗
本帥騎兵為前鋒自上虞趨奉化解象山之圍萬璘
帥本軍與本州唐興軍合號南路軍癸卯南路軍拔
賊沃洲寨甲辰拔新昌寨破賊將毛應天進拔唐興
辛亥浙東東路軍破賊將孫馬騎於寧海戊午南路
軍大破賊將劉晔毛應天於唐興南谷斬應天先是
式以兵少奏更發忠武義成軍及請韶義軍從之三
道兵至越州式命忠武將張茵將三百人屯唐興斷
賊南出之道義成將高羅銳將三百人益以台州土
軍徑趨寧海攻賊巢穴昭義將蹶蹶殘將四百人益
東路軍斷賊入明州之道庚申南路軍大破賊於海

游鎮在寧海南賊入甬溪洞甬溪洞在寧海西南百

則檀溪戊辰官軍屯於洞口賊出洞戰又破之己巳

高羅銳襲賊別帥劉平天寨破之自是諸軍與賊十

九戰賊連敗高羅銳克寧海收其逃散之民得七千

餘人王式曰賊窘且饑必逃入海入海則歲月間未

可擒也命羅銳軍海口以拒之海口在寧海東北四十餘里又命

望海鎮將雲思益浙西將王克容將水軍巡海蒞思

益等遇賊將劉簡於寧海東賊不虞水軍遽至皆拚

船走山谷得其船十七皆盡焚之式曰賊無所逃矣

惟黃罕嶺可入黃罕嶺在奉化西北刻縣之東其

至恨無兵以守之雖然亦成擒矣裴甫既失寧海乃

帥其徒屯南陳館下西南陳館在寧海六十餘里眾尚萬餘人幸

未東路軍破賊將孫馬騎於上膠邨上膠邨在寧海西北四十餘里

今謂之上察山賊將王舉懼請降 戊寅浙東東路軍大破

裘甫於南陳館下斬首數千級賊妻拚縗盈路以緩

追者跌跌殘令士卒敢顧者斬毋敢犯者賊果自黃

罕嶺遁去六月甲申復入剡諸軍失甫不知所在義

成將張茵在唐興獲俘將苦之俘曰賊入剡矣苟捨

我我請為軍導從之茵後甫一日至剡壁其東南府

中間甫入剡復大恐王式曰賊來就擒耳命趣東南

兩路會於剡辛卯圍之庚子夜裘甫劉晔劉慶從百

餘人出降遂與諸將語離城數十步官軍疾趨斷其

後遂擒之壬寅甫等至越州武腰斬晁慶等二十餘人械甫送京師刺城猶未下諸將已擒甫不復設備劉從簡帥壯士五百突圍走諸將追至大蘭山今奉化縣西北從簡據險自守秋七月諸將共攻克之台州刺史李師望募賊相輔斬之以自贖所降數百人得從簡首獻之大蘭既破劉從簡走入台州界方為其黨所殺八月裴甫至京師斬于東市

容齋四筆通鑑書討裴甫用平剡錄

李師望題名

赤城志檢校尚書工部郎中前兼台州刺史李師望

大中十四年三月十七日準詔領義成武寧兗海宣
閔等道兵士一千七百人乘驛赴任討除草賊至其
年四月二十三日戰於天台觀前其日收復唐興縣
自此六戰斬首四千級招降九千人至九月方平寧
咸通三年罷郡九月十一日北歸因留題以上皆師
望自紀見於桐柏觀元稹碑陰大中十四年即咸通
元年通鑑書與裴甫戰於桐柏觀前在正月乙卯其
時王式未抵越不得有義明諸軍當以師望自紀在
四月克復唐興之時為正

劉漢宏

新唐書僖宗紀中和元年九月臨海賊杜雄陷台州
光啟二年十月丙辰杭州刺史董昌攻越州浙東觀

察使劉漢宏奔于台州十二月丙午台州刺史杜雄
執劉漢宏降于董昌劉漢宏傳漢宏率麾下六百人
走台州杜雄饗其軍皆醉執漢宏以見董昌漢宏曰
自古豈有不亡國邪昌使斬於市通鑑考異十國紀
年十二月丙午杜雄執漢宏按十二月丙子朔無丙
午紀年誤

錢氏鐵券

潛研堂金石文字跋尾右彭城郡王錢券文廿五行
行十四字券重百三十二兩廣尺有一寸修尺有八
寸三分厚一分其文以黃金填之後九行漫漶者大
半今藏臨海縣白石邨民錢文川家蓋武肅廿九世

孫也。自忠懿納土，其孫暄知台州。有惠政，子孫因居於台。世守此券。宋元之際失而復得。今距賜券幾及九百年，文字如新。遺苗猶什襲而珍之，斯亦異矣。翁方綱鐵券跋第十九行未足顧功，諸書皆作顯功。此字尚宜審也。諦視券文，此字稍泐，左旁作「顯」，甚明，當是顧字。是券之賜以旌破董昌功。昌既敗，昭宗以宰相王溥鎮越州，溥請授鏐乃，改威勝軍為鎮東軍，拜鏐鎮海鎮東軍節度使，加檢校太尉、中書令。券文所以首系也。新銜也。鏐景福二年拜潤州刺史，故云潤越等州。十國春秋輟耕錄諸書作閩越者，誤也。陶宗儀又謂鏐拜鎮海鎮東軍節度使在乾寧三年九月，而以券詞四年八月為疑。

然鏐拜爵後至次年始賜券自是兩事無足疑者

董昌生祠

新唐書董昌傳始立生祠屬州為土馬獻祠下列壯
牢祈請赤城志董將軍廟在東湖之南世傳錢氏有
國時建林師點廟記唐浙東觀察使也此必台州所
建董昌生祠昌歟後後諱言不書其名

杜雄

新唐書僖宗紀中和元年九月臨海賊杜雄陷台州
赤城志中和元年臨海賊杜雄反州陷三年太守稱
杜雄魯洵撰杜雄墓碑稱雄字昌符京兆人徙台與
劉文起事劉知明州因人之欲請主郡政廉使承制

加御史大夫明年兼大司憲轉左貂錫以竹使符詳
攷其辭則是劉文自使守郡後方本道畀之郡符耳
又云光啟三年加工部尚書是秋遷刑部尚書今聖
嗣位蓋昭宗也嘉其威武謂執政曰寰宇方擾獨海
郡有武不用豈非以德行化乎因命以德化為軍號
大德元年加兵部龍紀初加右揆大順初加左揆乾
寧二年加司空乾寧四年冬十月卒今壁記載杜雄
三年到任至乾寧四年方稱駱圓繼之殆與洵所製
碑合攷之唐史紀年則雄在郡首尾凡十五年
吳越備史乾寧四年冬十一月己卯台州刺史杜雄
卒雄台州楊梅鎮人初與其黨婁文俱為草寇婁文

以雄為副害刺史羅虬遂侵漢宏不利因降漢宏署
婁文知明州事以杜雄知台州後漢宏敗率其下六
百餘人奔雄雄使偏將方師立饗漢宏于驛亭其黨
皆醉遂執漢宏歸越董昌奏授雄為德化軍使至是
疾卒

魯洵杜雄墓誌銘稱以其月十七日薨終神氣不
亂顧謂曰歸勉主郡事言訖而瞑又云長曰

彥崇軍節度副使葉公與左都押衙師位右

都押衙紹香及諸郡將親奉喪事各率家財送往事
居知無不至一日親吏傳尚書公命曰子為賓職復
典文翰我先君勲績善政當得其實願為誌石以傳

不朽洵結銜稱門吏德化軍巡官前嶺南西道觀察
吏使試秘書省正字魯洵撰所謂尚書公者即雄長
子彥崇雄為台州刺史兼節度使故有副使巡官左
右押衙十國春秋乾寧五年正月王以越州指揮使
駱園為台州制置使彥崇留後當亦不久耳

劉文

赤城志郡守題名中和二年劉文九國志云郡人劉
文與杜雄同攻越為劉漢宏所敗故降之漢宏以文
知明州而杜雄墓碑云與劉文起事劉改刺明州則
以雄刺台州十國春秋先是劉漢宏以台州賊婁文
知明州事婁文即劉文亦台州人

吳越備史初劉漢宏以台州賊婁大知明州事文為
楊俱所敗其黨杜宗自寧海鎮率鄉民據奉化黃晟
自平嘉隸以所部兵擊之執杜宗等不殺盡驅之使
還台州結埼亭集引黃晟墓誌與此畧同

駱園

吳越備史光啟二年冬十月王討劉漢宏以過後使
駱園守平水乾寧二年王討劉漢宏漢宏至迎恩門指揮使
駱園出降三年五月園越城駱園充四面都指揮使
攻迎恩門

資治通鑑乾寧三年五月甲午夜顧全武急攻越州
乙未旦克其外郭董昌猶據牙城拒之戊戌鏐遣昌

故將駱園紹昌曰奉詔令大王致仕歸臨安昌乃送
牌印出居清道坊

吳越備史乾寧五年春正月王以越州指揮使駱園
為台州制置使赤城志郡守題名乾寧四年駱園光
化三年駱延訓十國紀年云駱延訓貞明二年因父
園卒嗣為太守攻姚集駱觀國墓誌銘五季之末有
友義延訓者相繼為台守友義當即園名也

駱延壽 延威

赤城志靈鷲院唐光化二年守駱延壽建又張滌作
駱延威妻杜氏墓誌云光化二年葬臨海縣官政鄉
風化里延壽延威皆當是駱園友屬

包彥暉

昌國院開塗田記台之南二十五里有山曰佛窰其
院曰昌國周廣順間吳越國檢校刑部尚書包彥暉
之所建

李振

舊五代史李振字興緒唐潞州節度使抱真之曾孫
也振仕唐自金吾將軍改台州刺史會盜據浙東不
克之任因西歸過汴以策干朱全忠資治通鑑光化
三年三月朱全忠以前台州刺史李振為天平節度
副使

元德昭

吳越備史元德昭字昭遠撫州南城縣人武肅王惡其姓危氏乃更曰元累授睦州軍事判官知台州新亭監大穆襲國尋拜丞相

錢俶鎮台州

吳越備史王名俶字文德文穆王第九子也開運四年春三月庚寅出鎮丹邱即台州也下車數月有僧德韶語王曰此地非君為治之所當歸國城不然將不利矣王從其言即求歸秋九月中戌發自丹邱歸覲也是日大風東雲^南有雲如樓閣之狀識者異之家王故事云先臣初為台州刺史時伯父廢王侖始嗣立而宿將胡思進怙權亂政逼廢王而以兵迎立先

臣時晉開運四年十二月晦也

仁惠夫人

十國春秋吳越文穆王仁惠夫人許氏名新月台州人也雅善音律文穆王後庭樂部悉命夫人掌焉初魯國夫人生孝獻世子侍御咸尊禮之有女僧契雲者司香大於麗春院素名能知人至是謂夫人曰彼廊夫人遠不能及也夫人宜自愛文穆王襲位敕封吳越國夫人開運二年薨年四十四謚曰仁惠見吳越備史

孫瑛

十國春秋孫瑛臨海人驍勇有智時人謂之孫百計

積功至牙將守蘇州天寶二年淮南將周本呂師造圍蘇州攻法凡百出不可窮最後推洞屋攻城若餅幪然琰隨機應敵置輪於竿首垂絙投錐以揭之攻者盡露及礮至則張網以拒礮遇網輒止竟無所施淮南兵遂夜遁

吳延福

資治通鑑廣順二年九月吳越丞相吳堅卒以台州刺史吳延福同參相府事

錢宏仰

吳越備史顯德五年六月戊寅前台州刺史王弟宏仰卒仰文穆王第十三子也性嚴急善騎射通儒術

能書寫及為郡吏性雖嚴急而政事寬簡有異政
私曲而民畏愛終年卅二十四

吳越紀年

唐刺史壁記曹弘達天祐十年到任孫瑊天祐十四
年張從保天祐十七年錢鎰天祐十九年改唐史唐
天祐四年禪於梁十九年當梁龍德二年壬午是年
吳越錢鏐始建國稱王赤城志法會院吳越寶正三
年建祇園院吳越寶正六年改吳越以甲申年改元
寶大丙戌年改元寶正寶大止二年寶正七年而武
肅王鏐薨是其境內未建國稱王以前仍唐年號稱
天祐稱王以後俱用吳越年號甚明十國春秋稱吳

越建號有天寶寶大寶正壬午癸未兩歲其或紀元
天寶歟

吳越用契丹年號

王象之與地碑目臨海慶恩寺及定光院皆書曰石
晉會同元年建臨海明智院及明恩院皆書曰石晉
會同中建而通鑑石晉無會同年號東都事畧載遼
王德先以天福三年改元會同赤城志所書會同元
年則是石晉天福三年晉高祖尚都汴為中國主不
應錢氏乃越石晉而奉契丹正朔也當考

上元丁卯

赤城志祥符寺舊名靈穆有一浮圖內多古甃題曰

上元丁卯靈移寺塔記唐有兩上元年號皆非丁卯殊不可曉近人有得靈移寺額文與此同此乃吳越時所造吳越既不改元嫌用中朝年號往往以避甲三元術冠之吳越崇化寺西塔記稱唐下元戊午年錢氏大昕謂天祐元年為下元戊午乃下元甲子之第五十五年實周顯德五年宋乾德二年甲子又為上元丁卯實宋乾德之五年也至宋太平興國三年而吳越始亡

幼璋

五燈會元幼璋禪師唐相國夏侯孜之猶子也咸通

十三年至江陵騰騰和尚囑之曰汝往天台尋靜而
棲遇安即止已而又值慙慙和尚撫而記曰汝卻後
四十年有巾子山下菩薩王於江南當此時吾道昌
矣尋抵天台山於靜安鄉創福唐院乃契騰騰之言
又住隱龍院中和四年浙東饑疫師於溫台明三郡
收瘞遺骸天祐三年錢尚父遣使重建賣衣香藥入
山致請至府庭畧志德大師館於功臣堂日親問法
時禪門興盛慙慙懸記應矣

永安縣

太平寰宇記台州永安縣顧野王輿地志云晉穆帝
永初三年分始豐南鄉置樂安縣屬臨海郡唐上元
二年再置改為永安縣按舊唐書地理志台州樂安

廢縣上元二年分臨海置新唐書地理志樂安武德
四年析臨海置八年省高宗上元二年復置並不言
改永安縣赤城志錢氏寶正五年改樂安為永安國
朝景德四年改永安為仙居此蓋得之

台州札記卷三終

台州札記卷四

臨海洪頤煊

子城

宋王象祖重修子城記云子城東自鼓樓踰州學過
東山閣包職官廳歷玉霄亭

于州之後西自鼓樓

介于內外班之間而長于內外班曲而為洞門又曲
而依於大城嘉定赤城志云子城其門有三南曰譙
門上有鼓樓榜曰台州東曰順政門樓名東山西曰
延慶門今名迎春赤城志卷首有羅城圖內有子城
以今坊巷攷之譙門當在鎮寧廟前直街近聖書院
過台州府學折而北從州橋頭過鼓樓直至東嶽宮

繞入山後西自近聖書院巷口直至栢蒼門舊址以
附于大城其所謂內外班暨曲為洞門者赤城志圖
不記所在今無可攷證東山閣即子城順政門今大
街鼓樓是也從鼓樓下過台州府前直至西門街口
當有迎春門與順政門東西相對嘉靖臨海志圖不
載其亡久矣

州河

城中舊有三河曰清澗曰新澤曰清水可以通舟往
來此唐時故河道也赤城志已云今皆污塞涓流而
已赤城志州河記云按舊經源始平橋平橋始石佛
寺後山流于栢蒼門後頗堙塞自栢蒼門衍于州南

橋東北流至東橋並棲霞宮又東北流越悟真橋觀
橋疏而為二一南流至都酒務後凡白塔橋尼巷之
水皆入焉又東則入楊柳巷出寶城巷水門一東流
直出都米倉前稍南復東出崇和門水門餘水南流
亦會于寶城巷自餘堍率六通一帶之水又出小固
山水門今城中河道故迹大畧如記所言東城三水
門猶存唯羅城圖所載與記不合圖無白塔橋尼巷
之水又都酒務後之水不記所出都米倉前不記南
流寶城院北有狀元池極大一支從寶城巷斗門出
一支又從下斗門出今惟小固山南有斗門以出堍
率六通之水小固山北別無斗門可以當此疑羅城

圖所繪者猶是乾道前舊本也

元絳十橋

元絳十橋赤城志云慶厯元年元守絳建十石梁于河以通車馬詢之故老云謂今兩州橋觀橋學橋賈茆橋永泰橋保寧橋其舊蹟焉餘則不可攷矣在嘉定時已如此州橋有二一名南橋在州南八十步州河記云河自栢蒼門行于州南橋當在子城譙門外一名東橋又名順政橋在子城順政門外今之所謂州橋頭者即東橋也又有平橋在州治小廳前跨池為屋左右植芙蓉明包廷嘉重修府治記云土地祠前左右鑿池琢以石欄直深各四丈四尺衡廣各五

大二尺即平橋之故址今謂之荷花池

東湖

東湖據羅城圖自交禮橋以北過放生池又過懷義橋北直至流盃亭知樂堂通謂之東湖懷義橋者即今東門外吊橋赤城志州城記云舊城東自小鑑湖循清心嶺而南紫抱舊放生池直接城山嶺今湖昔地皆閨閣中物王廉清修東湖記云乾道五年冬秘閣河內向公移守是邦浚城池之水溝剏城闔之斗門以達懷義橋橋之南北皆其證也今吊橋北橋湖尚存吊橋南唯有小浦在焉人亦不知此地之舊為東湖矣

東湖荷花

赤城志東湖中有堂曰共樂堂之前有亭曰流盃皆
址於湖心水光山色涵映虛曠為春夏行樂之冠包
恢州學沂咏堂記東湖橫縮平廣與白龍潭相表裏
湖中皆蓮萬幅如錦紅綠成章光影煥爛秀氣不斷
隨風四達方三伏中忘其有暑赤城景物之尤處也
張翥題東湖詩云解酒薰風拂面涼藕花極目送清
香三千宮女青羅蓋都作酡顏酒艷妝蜀錦誰將到
海涯水仙鋪作地行衣回隄卻似元宵路拋擲紅燈
載月歸曾惇題東湖詩云三年領客醉東湖欲去猶
攜竹裏厨誰解挽留狂太守風荷十里翠相扶

宋營制

宋時營制在城東者以羅城圖攷之唯壯城營在今東門後街余所居大營巷當是寶城巷寶城院攷基州河記云州河俱會于寶城巷出寶城巷水門是也今水門猶存在大營巷前矣不知何時改建稱為大營巷後為寶城巷又後為州營巷又後為東門街與羅城圖不合當在嘉定修志以後

寶城院

寶城院赤城志云舊名護國唐光啟三年建大中祥符元年改今額章鄒公得象為之記院舊有清熙堂陳瑩中謫台州寓居院中公作徐中行事畧云政和

癸巳黃巖隱士左緯經臣訪瓘于寶城方丈是也公
己巳以政和元年十一月初十巳時到台寓院中凡五年

狀元塘

赤城志狀元塘在州東一里舊為普濟院陳侍郎公
輔居其西以羅城圖攷之即余家所居大營巷之地
侍郎台州風俗記云比年以來城中百物騰踊價皆十
十倍於前余雖有敝廬度不可居於是遁迹邱落然
鄉下寂寞百物無有不免布衣蔬飯杜門待盡而已
侍郎墓在縣南三才十里拗嶺

彭公嶼

赤城志彭公嶼在縣東十里古謠云彭公嶼沙漲出

宰相比年沙漲謝錢二公果相繼入相荆溪林下偶
談台州舊有謠云下渡沙漲出宰相至謝子肅為宰
果驗彭公嶼即余家靖越門外當港沙渚地延長七
八里渚首當古之下津下津即下渡數十年來渚尾
沙地大漲而渚首沙地不漲此科名所以不振也

廟學異處

宋初孔子廟不在學中赤城志先聖廟初在州治後
景祐二年范守說徙東城之維時未建學也康定二
年李守防既建學於其東得故版榦舍遂以錢易之
復遷廟焉自是廟學合而為一舒岳祥新建寧海縣
學記初寧海縣學之在宋東都日與孔子廟各其一

所今學與廟合在縣治之南北亦廟學異處之證

貢院

貢院赤城志載之最詳

貢院在巾子山北乾道

七年朱守江建南渡

士未盛故以州東三百

步今韓運判宅址為之後徙兜率院院据山腹陟降
不勝病遂徙今地有監試位一考試位六後有亭曰
舉秀為會考之地重廡參錯為屋三百一十楹置試
案卷棚自是應書者雖漸盛猶不過五六千人近歲
至八千人始於報恩寺截行者寮附益之猶慮不能
容嘉定十四年將大比齊守碩諷羣議相其東有福
安廢院院後多隙土可縛屋有馬氏地闢之守併得

之元不狀
此作先

其地通為三百八十二丈墾高塞身建八廡為屋七
十三楹與正院第八廡通又益以福安餘屋別為門
以入且慮逕途隘蹙待試者病西闢酒務繚垣畫地
為衢其廣四軌兩旁渠道亦以石甃平之是秋應書
者又多皆穩坐散步無他患之是未有也據赤城志
當在今芝麻園羅城園東西口皆有興賢坊是盡巷
內皆貢院地也今余新居正當其地

上蔡書院

東湖上蔡書院據嘉靖臨海志云宋上蔡謝良佐程
門高第遭黨禁未解而卒仲子克念流落台州紹興
六年給事中朱震奏官之克念尋卒嘉之中郡守黃

不從字懷

營請祀良佐于州學景定三年郡守王華甫遂建書
院徙祠焉事在嘉定修後故赤城志不載書院
之名書院舊有聖則堂後內外服制通釋跋云余
卯角時從車玉峰先生于東湖上蔡書院引試聖則
堂是也又有稽古堂王魯齋趙訥齋綱目凡例跋云
是書得于上蔡書院奉祠趙君遂銀梓于稽古堂是
也珊瑚木難胡長孺以寧海主簿如府計事舍上蔡
書院士人周仁榮造焉今東湖左畔有小瀛洲三字
石坊即書院之門額

上蔡書院山主

宋史楊棟傳台州守王華甫建上蔡書院言於朝乞

棟為山主詔從之因卜居於台差燦傳咸淳七年台
州言乞差燦充上蔡書院山主詔從之王相傳趙景
緯守台州為上蔡書院師之耆德皆執弟子禮趙
景緯傳台州守王華甫建上蔡書院禮景緯為堂長
以疾辭依舊職差知台州

資善堂

資善堂舊址在郡城東北白雲山麓宋制皇子未出
閣置資善堂小學教又有翊善贊讀直講說書等
官親王府亦置資善堂
錢氏賜第中舊址台州
府志改作志善堂非是

崇道觀

宋史職官志宋制設祠祿之官以佚老優賢先時員數絕少熙寧以後乃增有提舉提點主管其戚里近屬及前宰執留京者多除宮觀時朝廷方經理時政患疲老不任者廢職乃使任宮觀以食其祿王安石亦欲以處異議者遂詔宮觀毋限員並差知州資序人以三十月為任台州崇道觀曰主管赤城志祠祿官台州崇道觀無員桐柏崇道觀在天台縣西北二十五里主管崇道觀皆空銜不必盡住觀中

分繡閣

分繡閣在添差通判廳左洪适分繡閣記云十數年

監州始有以員外置者僑於城之巽隅距黃堂七百步而羸吏不以為便乃徙僚舍為今所居與正員相西東赤城志云添差通判廳在州東四十步紹興十六年通判洪适建羅城圖不記所在公分繡閣詩云城隅喬木可怡顏小閣初成尺五間其地當與子城順政門相近今興善門城隅有三府基或即當時僑寓之所

曾鉉父太守題分繡閣戲洪詩云新營小閣面孱顏領客開尊紫翠間千里畫圖供徙倚一時名勝喜躋攀好風已破晚來暑小雨不遮湖上山老子箇中殊

不淺尚堪同醉看弓彎後曾挾眷游南園洪因作浣
溪沙詞調之云水邊疏影弄清香風流更有小鴛鴦
文惠通判台州與曾欲父不相能後卒為所劾罷去

戶曹巷

謝零台州司戶廳壁云台州司戶參軍唐至德間
著作郎鄭虔嘗以謫官居之今州城東偏猶以戶曹
名巷陶九成輟耕錄云周待制月巖先生買地于府
城之 檀兒坊叔義塾以淑後進築礎時獲雙硯硯
有疑識唐鄭司戶虔故物虔字弱齊俗為檀兒
今又為輦泥即戶曹巷也以司戶廳在焉故名嘉
靖臨海志圖巷有鄭廣文祠今廢

都米倉

赤城志都米倉在州東北二里即今所謂舊倉頭也
元章嘉永盈倉記台郡永盈倉在府東北二里舊名
白都米倉儲一州四邑民田輸輸之粟其臺門西出陰
陽家以為當白虎之脇不利乃因其北徙門南出築
達道於學連塘之澚

都酒務

赤城志都酒務在州東南二里房廊務造麴庫附焉
羅城圖都酒務東與院興賢坊相連即貢院記所
謂西關酒務繚垣是也在今臘巷口壽聖院碑題
修武郎監台州在城廊務孟存中書赤城志監
酒房廊務一員以武臣為之志又有和豐樓在天台

館南多旨樓在三酒務北俱慶元四年葉守鎮建三
酒務即都酒務二樓皆時之官酒樓故附於公
解之後

酒稅之害

趙汝愚上宰執論台州財賦云財所賴賦所賴唯有權酷
今環城內外私造酒麴者二千餘家三務監官六員
終日所收本息纔數十千不充官吏之費車若水新
蠲五邑場河渡錢記酒坊唐入所謂山澤權酷者
國初權於近城二十里之內其外許民承額專沽不
承者不得釀台州舊為酒坊六十有六有名無實害
在邨落而利及於有司有司無所獲上征不貲遇太

者抑又甚焉不幸而獲則升_{不通}斗窮宴人也彎卒不過
例擒以逃譴其始獲也 讓曰以供囚也其編置也
復讓曰以奉護送也故 麴秣米之四鄰與在城內
外之飲客筮楚日報 私釀日盛而官額絀虧本息
折閱承流宣化者亦付之於無可柰何而後止

抵當庫

赤城志 抵當庫在州治西二十步合同茶場左嘉
定四年黃守當建先是軍民當春冬雪寒質貸多弗
售公乃捐錢二千緡為此自十月至三月每質不過
五百拘息一分為簿書油索費今廢

商稅務

守怒即一旦束淫窘承額承額者捕所不快繫於官
累累鞭撻不知何以獲罪承官額不知幾錢吾兒長
欲娶婦女貧依人吾父兄骸骨久龕吾屋柱傾欲治
必輸坊錢坊錢未備如畏犯法不然坊主來詰汝能
無乎沽誰酒為之乎金甌籬戶墮哭囂然未
幾官符及之而養生送死有不獲者矣

謝采伯台州奏行萬戶記臣嘗兩佐州四興州私釀
亦固有之然今下之秋毫無犯獨臣里中更守臣
十餘人繩以一切其弊走卒坐銷譏邏旁午而
匿姦藏慝反滋弊數若夫匠之屬日賂月餽皆
有定數歲終則倍之有挾者寄造率十餘家疆有力

赤城志商稅務在州南一里抵當庫平準務附焉張
丑清河書畫舫展子虔春遊圖有台州市務房抵當
庫印當是此庫中物又云通遠坊在州東南三百五
十步以稅務在焉故名今猶稱稅務街趙汝愚上宰
執書云本州係瀕海去處自海中乘潮一夕可至城
下城有七門大火之後五門猶未建立四壁圯壞私
貨出入者與履平地無異當時商貨出入城門皆當
有稅普光塔院碑題 州商稅務驍騎尉慎鎬立石
赤城志監在城商稅務 文武各一此乃其武職
也又大田稅場在臨海縣東三十里正真院碑題攝
參軍監台州局稅茶鹽務吳興郡姚日拱立石以文

臣為之

杜瀆鹽場

赤城志監杜瀆鹽場文

員亭場巡檢武臣一員

壽聖院碑題東義郎

台州臨海縣杜瀆鹽場亭場

巡檢張瑾立石此乃其攝職也永州通判王詮墓誌

銘稱祖之望初以少傅遺澤補官辟監台州鹽倉因

家焉赤城志監支鹽倉大臣一員支鹽倉即都鹽倉

在州東南二里崇法院志列王之望題名在杜瀆鹽

場下非是

赤城志杜瀆鹽場在臨海縣東北一百二十里熙寧

五年建宋史地理志台州黃巖有于浦杜瀆二鹽場

未知何時改屬

蓮子試酒

姚寬西溪叢語余監台州杜瀆鹽場日以蓮子試酒
擇蓮子重者用之酒浮三蓮四蓮味重五蓮尤重蓮
子取其浮而直若二蓮直或一直一橫即味差薄若
酒更薄即蓮沉於底而煎鹽不成淋下酒水以他水
雜之但識其舊痕以飯甑蓋之於中掠去面上水至
舊處元酒盡在所去者皆他水或以甑筭隔之亦可
以他物則不可分矣

天慶觀

天慶觀本宋時大剎與南報恩寺相埒赤城志云在

州東一里據羅城圖今觀橋直北小教場火藥局其
遺址也觀在唐名白鶴赤城志云開元中獲天寶度
人經建天寶臺匾榜乃徐浩書上有銅鐘開元十二
年所鑄天寶中又鑄銅老子像王象之興地碑云云
開元二十九年老君真容碑在台州天慶觀觀舊有
聖祖殿殿前有兩鉅松甚怪世傳茯苓產其下又道
士等^壁間有范子珉所繪牛及來禽人傳其妙又有吳
天殿殿後有丹井泉又有三清殿西廡有三官堂東
有三台星祠元應善利真人祠祀仙人王子喬朱子
來往台州皆寓觀中

六通院

六通院舊在巾子山南麓晉天福二年建五燈會元
台州六通院志球禪師僧問如何是六通境師曰滿
目江山一任看曰如何是境中人師曰古今自去來
又六通院僧欲渡船有人問既是六通為甚麼假船
僧無對

白雲庵

赤城志棲霞宮在州西北二百六十步舊名白雲庵
唐中和中建永慶院在州北一里即古郡治舊名白
雲延壽庵太平興國二年錢守昱建院與宮地相近
當同是白雲庵舊址又祚聖院在州東北一里一百
三十步白雲山下舊名白雲傳燈錄唐欣禪師嘗受

業馬沈佺期餞台州刺史序云懷白雲之蘭若蓋指此也東西二白雲庵皆唐時建

一相庵

地鈴書一卷相傳五代時德韶禪師撰或云宋謝道夔台州城外有一相庵前地形圖天台續集曾惇題一相庵詩云滿山松竹翠成林彷彿前身舊所臨不分雙旌殺風景他年蠟屐再幽尋今不知其處

梅園

梅園在山宮法安院側屢見前人題詠曾宏父簡洪景伯詩云待得山宮千樹白與君騎馬入青苔景伯同宮使尚書觀山宮梅花詩云好向山宮記名氏他

時嘉話踵斜川是也又李益諫有景伯正字招東郊
觀梅晚集茶院秀遠堂詩云十里寒梅欲闌妍東郊
尋勝喜聯翩舊志稱雙橋地多梅花是沿郊十里宋
時皆樹梅花明陳次經有問山宮梅詩云為門山宮
道千梅吐臘前行穿三里雪坐弄一溪煙山宮梅花
明末猶有存者其在城中者永慶寺當郡圃之後園
梅花最多當時有梅臺梅榭梅峽諸名凡太守公餘
之暇必登焉李德升有永慶閣後觀梅詩一時如秦
叔厚陳國佐俱有和章

東西茶院

赤城志普濟院在縣東七里蔡嶺俗號東茶院多福

院在縣西北十五里號西茶院李益諫景伯正字招
東郊觀梅晚集茶院秀遠堂詩此東茶院也西茶院
有小嶺嶺上有寺今稱為茶園嶺也非

中山塔燈

赤城志中子山兩峯如恰幘其頂雙塔差 屹立不
載雙塔始建之年車若水塔燈記台之中山有塔焉
朔望之夕羣燈環之光閃半空間之僧云檀越祈福
一夕銅鐺三萬杵世昌夜對中山塔燈呈史君李孟
達寺簿詩云光明臺畔舊曾逢何自飛來碧海東未
問眼根齊等級要先心地證圓通入還究竟千光合
四面回旋一視同坐想玉霄風月夕超然清對一詩

翁

多寶塔

赤城志報恩光孝寺東有古塔一或傳梁岳陽王得
釋迦舍利建塔七今所存止此羅城圖謂之多寶塔
今俗稱為千佛塔以塔每面磚上俱有佛像也塔內
有元大德三年二月僧淳具修塔題字并造像題名

湛泉

大悲庵在郡城北山石壁摩崖有湛泉二大字跋云
先公政和乙未歲謫居是丘所題時義問與叔兄侍
行後十八年義問復來作酒官而翰墨尚存追念疇
昔不勝感涕謹泐崖間以永其傳紹興癸丑季春十

五日男義問恭書兩浙金石志以為當是葉義問然亦無可攷證所云先公亦不知何人詳見余所撰台州金石畧

胡承公題名

中山三官堂本明玉輝堂故址石壁上有題名云胡承公同弟成美來游男羽兆侍行癸丑清明日題承公是胡世將字癸丑是紹興二年宋史胡世將常州晉陵人登崇寧五年進士為監察御史除徽猷閣待制禮部侍郎紹興九年為寶文閣直學士宣撫川陝十一年資政殿學士致仕赤城志無其人天台集有胡世將癸丑三月十日自湧泉寺過吳文叟山居詩

與此題名相去不多日當亦一時所經由也

般若臺

般若臺在大固山嘉祐院宋初僧長吉嘗游京師得
宋參政庠以下一百四十五人所書般若經建臺以
實之即今所稱府經堂也乾隆丙午白雲山治地得
大資錢相公詩碑雲收出遠林兩山不隔牛
鳴層臺迴出層雲外霜還同霜月平修竹可人無
俗韻疏梅能事闌僧清竇燈遍虛空界深夜猶聞
梵唄聲右望般若臺一首贈源長松窗道人書
後有雙溪葉跋又有一跋摩滅不可辨松窗是
錢端禮號碑立於乾道七年今移至臨海學宮

蒼山

宋誠蒼山廟記云蒼山在州西纔十五里水陸之途
通焉連屬之勢亘於西南隱隱崇崇臻此而止自郡
城暨于山嘉樹修竹映夾道側聯聯不絕如在翠帳
間行游是居若造非常之境羣峰疊秀煙樹羅碧清
猿好鳥叫嘯其間實神仙之所居信東嶽之佐命山
之南又有澄潭周環百餘步空濶沉碧迤而不窮旁
倚峻巖穴通溟漲峭壁削以直聳清泉貫而下垂潭
承其泉而龍是宅每天將晦必雲物鬱乎其上或清
旭晚照輝映相鮮嵐障千里水光一帶煙靄蒙幕如
列畫屏峻彼西郊作鎮茲土記作於唐會昌六年十

月即今龍潭舉

石臺山

石臺山在寧海縣東黃潛石臺紀游詩序云寧海多大山其高或俯視雲雨名於仙經地志者天門閭風丹丘桐柏而南田號為福地好事者率病其幽遠險絕莫適至顧獨喜游石臺石臺距縣治僅五里所山皆王阜非有奇巖峭峰水泉花藥竹箭之美由山足緣坡陀蛇行穿灌莽而上至其脊乃得巨石五六相積壓如累器物其頂上隆然正方而平方可坐十人旁睨四山屏嶂離列東北山缺處海霞島霧縹緲可睹也臺之勝止是特以身近而易即凡觀游者恆用

為稱首予佐縣之又明年始合耆俊之士登斯臺挾
剔蔽翳求昔人之遺刻既漫滅不可識唯慶元諸老
題詠故在徘徊久望東麓松杉蒼翠薨楠隱隱或曰
白是謂南園道院乃歎而休焉因相與飲酒賦詩抵
暮而去

尾闕

隱居通議宏齋先生包樞相嘗言昔為台州通判日
州連東海遙望海洋中有漩渦至數十疑即所謂尾
闕也予每欲質其事而無由至大庾戌辛亥間石塘
胡汲仲長孺為台州寧海主簿縣正與海接予與石
塘公厚因以宏齋舊說叩之今得其回書云寧海在

台東境距平陽嶺海七百里距鄞為近其又東境即
大海舟人所不敢涉惟冬則釣船行二程輒止相傳
其東則鬼國水勢流雖潮生時亦不可上恐是尾閭
處也宏齋謂見有十數渦則某所未見也

台州札記卷四終